

鳳岡林先生全集

百十二之四

島

和書門			
三	八	〇	三
二	一	一	三
六	七	函	架
六	七	冊	架

庫文閣内		
二	三	和
五	一	書
函	八	
一	〇	
九	三	
架	號	類

166
島

内閣文庫	
番號	和 31803
冊數	67 (64)
函號	205 176




圖166

鳳岡林先生全集卷之百十三


男 朝散大夫國子祭酒林信充士儔父 輯

文部

碑誌

松平長良碑陰

春道生萬物榮秋道成萬物零天運如斯於人亦然
若州士人松平長良號莊左衛門其祖曰備中守親
則親則者德川信光公庶子也初居參州岩津後移
長澤城長澤家松平氏是也其子曰益親其次淨因
淨心淨金淨賢四世相繼其稱上野介至政忠娶清



康公女生康忠永祿庚申桶狹間役屬今川義元戰死其室再嫁酒井忠次庄家次及本多康俊小笠原信之也 東照大神君以外好故厚遇康忠於御前加元服賜諱字且使其妹降嫁之而生康直 神君養其同母妹適於久留米拾遺元龜庚午康忠與酒井忠次擊破朝倉于姊川織田信長賜佩刀賞之武田信玄屢窺長澤城然見城完而忝天正丁丑攻鳶巢壘克甲州兵戰功許多其後進入高天神城獲晉十級且于泉界于長久手皆從 神君有勇有勞因賜甲州都留郡固辭不受依病讓家祿於男康直退

居京師博陸豐臣秀次以厚祿招之越前黃門源秀康亦屢徵之皆不肯而沒康直不辱所生天正辛卯改長澤賜總州淡谷城文祿癸巳康直早世至此長澤之家絕矣其母請 神君養令子上總介忠輝續其家康直有異母弟曰直之以姻族故依本多康俊從難波之役長良者直之子也有故為若狹國主酒井忠直家臣勤勞竭心忠直亦眷顧丁寧延寶丙辰三月三日長良病而死歲六十三葬若州青井山其式蓋依儒禮云我讀其譜知為顯胤而嘆其衰弊古曰高岸為谷淡谷為陵二后之後於今無聞況其他

乎嗚呼有始有終者天地之經也唯期家門之美亦復其初也長良頗知文字慕古賢之風故其嗣子昌良爲之立碑請詞於余乃敘其世系延寔四年丙辰六月朔整宇主人林直民甫誌

文穆先生學士林君墓誌

先生姓林名恕字之道稱春齋號向陽子大儒羅山子第三子母荒川氏以元和戊午五月二十九日生於京師長兄敬吉不幸短命次兄長吉夭殤先生自幼幹父之蠱天性至孝溫柔貞固及長博學強記經史子集無不悉窮之且通 本朝歷史諳諸家本支

每有問者應對如流寬永甲戌從父東來住居江府其年奉拜 大猷公其後或近召 御前草異國之書讀法式印章或咨詢執政能堪其事或奉 命赴于日光于久能于南紀于京師勤勞不少癸未之歲依 命編集寬永系圖三百卷正保甲申賜俸支宅地明年加倍食祿慶安辛卯之夏 大猷公薨及秋幼大君任征夷大將軍明曆丙申喪母明年喪父哀禮適宜始用儒法葬之日造祠堂奉祀不懈畢喪嗣祿之後與弟靖搜索父之遺文編纂百五十卷萬治戊戌賜官金藏蓄珍籍寬文辛丑敘法印位癸卯

之冬講了五經冬作私考開示蘊奧事達 台聽賜
弘文院學士號且覃心四書篤信程朱作國字解其
餘編輯之書甚多庚戌之歲國史終編總二百十卷
官命錫名本朝通鑑加增食祿且賜俸支教育諸
生又賜官材造學寮來學日多家塾立科循循勸誘
自以爲樂也闔國推稱儒宗延審甲寅有 命再修
忍岡聖堂年年祭祀不絕禮奠漸備貴介侯伯國老
執政來觀祭儀暇日愛著述每韓使之至贈酬頗繁
凡詩一萬晉文二千篇存于家己未仲冬罹病至今
年庚申不快自知其不起二月致仕閑居殊蒙 恩

遇五月五日没于正寢歲六十三聞者慟哭娶倉橋
氏女生懋懋及二女先死懋獨存不堪哀慕依其行
實與門生議私謚文穆先生建小石碑記履歷萬一
延審八年庚申五月下旬孝子整宇林懋誌

板坂卜齋如春叟碑銘

夫神仙可以學得不死可以力致然知言者曰稟之
自然非積學所能致也其然耶非耶品物之衆不得
天地之養則不能生矣甘雨膏澤之惠克遂其成長
是其自然者也栽者培之危者扶之是其贊化育而
以力致者也人之爲生願養其精神得遐壽者是其

自然者也節飲食嘗湯液而全形體者是其加保嗇而以力致者也不學則豈知其道哉神仙之術不死之方豈其遠乎哉近在一身學力之間而已天地之養品物人之養一身其理何以異哉故曰良醫知天地之次明性命之數也老醫板坂卜齋如春叟者衛生家之良也其先宗頓其次宗德住於江州坂本宗德之子曰維順遷于洛陽鴻術之業達于都鄙敘法印位後到越中國罹兵革而沒其子曰備後入道其子宗慶繩祖之武聲譽聞于世敘法印位號僥倖軒曾應武田信玄之招自洛赴甲陽眷遇太渥 東照

大神君亦聞其名賜書謝饋藥靈陽院義昭及北條氏政能知其技宗慶有子曰宗商幼而伶俐爲僧住南禪寺東禪院依信玄之言往甲陽還俗爲醫號卜齋天正小田原之役從 神君其後賜宅地居江府頗預恩顧叟者其子也天正戊寅生于甲州母關口常菴女也幼名長太郎號如春別稱東赤後追父之稱而又號卜齋幼而喪父然悉受家傳秘方天正辛卯十四歲奉拜 大神君而近仕 台德院大相國公 神君憐其孤立命官醫意安宗恂施藥院一鷗勸誘學習之事每有行旅及放鷹之遊無不扈從也

慶長庚子關原之役亦從其軍 神君讓國家于
台德公之後在駿府叟日夜陪侍勤勞不少或列伴
食或獻湯藥其調祕藥其求藥種子異域叟無不預
之其後依 命仕紀陽亞相賴宣卿寬永庚午應亞
相之旨從令嗣黃門光貞卿東來自此住居江府黃門
每有病療其危急皆得良効也 嚴有院贈大相國
公幼穉之日奉 大猷院贈大相國公之命往往診
御脉望聽聲色其名達侯伯士林三折之勞十全之
功不可枚舉晚年閑居淺草養老養性種藥自以爲
樂多藏醫籍覃思于家業明曆乙未之冬臥病自知

其死在近出謁紀陽亞相黃門及少將賴純而告別
三君亦自往問病且賜黃金時服音問不絕仲冬十
二日遂沒壽七十八叟娶江川氏女有子慕祖先號
曰宗慶然有故養門生宮瀨意齋授姓續其業未幾
而死遺言以宗慶子宗春爲嗣配其女宗春亦尋死
其子長太郎幼而繼家也我祖羅山子與叟相識五
十年及聞訃流涕作詩悼之且我家飲叟之藥得快
驗者數矣余未成童與叟相遇面視身老容壯而知
神仙有道也今依聲名不朽而知不死有方也叟之
於家業可謂能學能力者也公歲仲冬正當二十一十五

回忌辰舊門生安田春臯不堪哀慕自來見家父弘
文院學士請作碑誌諾而未果家父罹病今年仲夏
易簣春臯今猶請余弗措嗚呼通家舊好不可遺家
父所約不可違故喪中雖久廢文筆感其志之切聊
依其履歷而記大槩係之以銘銘曰

三世之業大其家聲仕而其優駿府洛京遊而有方
紀陽江城金丹玉液青囊銀鐙心符手應方妙術精
性命之理輔養有成壽域悠久神氣和平進而育物
退則觀生形骸雖朽猶有餘情

和州柿本村柿本人麻呂小石碑誌

商山雲深不可攀不可陟桃源路迷不可遊不可到
然非天地之外是以皓叟悠然以隱黃髮怙然自樂
彼人而遺此世此世而遺彼人故車馬跡絕爲別天
地者也偶有如張子房陶元亮者而得問商山得沂
桃源也舉世皆不知之豈子房元亮獨知之哉出塵
之操與潔之情同氣相求同聲相應也然則商山之
雲桃源之路豈必背人哉人背之也大和國添郡初
瀨石上之邊柿本寺有柿本大夫人磨呂之墳世移
時替基趾湮滅曾聞藤原清輔尋其舊蹟刻小碑詠
歌而太其後鴨長明尋之不得矣問歌墳在何處而

始知之人麻呂者歌林之儒獨步絕倫者也清輔長明者千歲之同志也誠心所求豈不至乎哉猶子房元亮於商山桃源也和州郡山城主日州太守源君信之一日語余曰其領內葛下郡柿本村有人麻呂之墳上人傳稱人麻呂生于茲故後人建墓也蓋其自歌墳所移葬乎今已荒廢僅存舊礎是以修其寺院建小石欲垂不朽也請記其事太守初鎮播州明石城浦畔以有人麻呂祠堂建碑請詞於我先人弘文學士詳記履歷今又修其墳墓可謂能知人麻呂者也自然之好因不亦奇乎嚮雖有清輔長明然不

遇太守起廢之舉則誰問其跡尋其風哉明石不遠朝霧接影人麻呂之靈息于此遊于彼長濟千歲之美也亦是太守追遠之一端乎其於事業則民德歸厚者可以期焉乃誌于碑陰爲後證天和元年辛酉十月中旬整宇林懿直民父識

從五品內膳正板倉重昌碑

志士仁人無求生以害仁有殺身以成仁也夫生死者天也命也偷生全身者君子所耻見危致命者君子所取也是以欲立義行道毋論難易欲立身著名無顧利害也從五位內膳正板倉重昌者武林翹楚

也大考從四品拾遺伊賀權守勝重大兄從四品羽
林周防權守重宗父子相繼任京兆尹保護禁庭
美譽芳聲載在口碑也重昌自幼奉仕東照大神
君視國事其性剛強直廉溫惠活達歷仕台德公
大猷公恩眷不翅寬永十四年丁丑肥前國高來
郡賊民蠱惑耶蕪據有馬村原古城蜂起蟻同事達
江府大猷公悉使西州侯伯士林誅伐之殊命重
昌董其師監其事重昌攜令嗣重矩即時進發入其
地巡視郭壘邑土屢出奇計明年正月元日重昌突
馳奮戰勇氣赳赳胄碎戈折遂死之年五十一惜哉

痛哉重矩追跡震擊竭力勞心嗚呼勝敗命也翟義
死于賊軍袁粲死于石頭忠憤義氣千古不磨亦是
同日之談也不幾賊兵族滅所謂雷霆之誅由我而
遠巢穴之固由我而覆者乎可謂舍生取義者也誰
爲斯人不反袂拭涕乎及嚴有公治世之時重矩
膺榮選鎮守難波城其後頻被登庸列執政敘從四
品任拾遺爲野州烏山城主食祿五萬石高大門楣
其子從四品重道繼封濟美今大君幕下聽命之
初預國務增食邑移封武州岩築城世世積善之餘
慶於是可見焉重道爲重昌建碑於其戰死之所

欲紀其美而傳之于不朽也追遠之志述事之孝可
以嘉獎焉謂之平淮西碑乎謂之峴山墮淚碑乎請
詞于余乃敘要概且係之以銘銘曰

板倉之姓源流分清奕世繼美策勳垂名蠢蠢耶蘓
蚩蚩賊氓有馬據險同郡聚兵海日耀甲風雲飄旌
泰山名重鴻毛死輕天降霜雪松柏持貞人處夷險
節操存誠一朝趨義千歲餘情孝孫繩武猶貽後榮
志士感信以望家聲斯人雖沒宛爾如生

尾張國小折村富士塚碑誌銘

天地者生之本也先祖者類之本也孝子慈孫不可

不知其本也尾張國土生駒主計利勝爲其祖建碑
于小折村富士塚而欲著其功述其慶揚其名聊記
履歷以請詞于余余感其不忘本之志也其家傳曰
在昔忠仁公建山莊于和州生駒鄉而其末流世世
居焉遂以生駒爲氏也其後移居尾州領小折村左
京進生駒家廣者利勝六世之祖也頗有聲聞其次
加賀守豐政其次藏人家宗其次八右衛門尉家長
相繼爲國士右大臣織田信長娶家宗之女生二男
一女其長則秋田城介信忠其次內大臣信雄也其
女嫁岡崎三郎源信康由是信長於家長亦眷遇不

謫天正十二年信雄與相國豐臣秀吉有隙信雄通志於東照大神君議軍事神君入尾州屯兵于小牧山與信雄共赴小折村到家長宅時家長承信雄之命守勢州長嶋城嫡子因幡守利豐年幼庶兄右近善長在家拜迎之世以爲榮神君自小折村登富士塚察視敵境而歸小牧遂成和議同十八年信雄左遷家長亦身老閑居利豐應秀吉之命仕關白豐臣秀次敘從五位慶長五年關原之役利豐屬左衛門大夫福嶋正則自獲晉級同年神君一統闔國貴胤從三位薩摩守源公領尾張國利豐亦依

命屬從之其後及從二位大納言源敬公封于尾州利豐優仕厚遇采邑如故利勝者乃其子也今黃門正三位襲封之後特選利勝爲令嗣從三位中將之傳其世系如此其事實如此古曰祖考之嘉名美譽亦子孫之冕服墻宇也利服嚮無祖先之餘慶則豈得今日之庇蔭哉今無奉先之孝則世世事業不垂於不朽也可謂追遠繼志者也嗚呼百行皆有本也本立而枝繁葉密猶於後昆有所期祝焉詞旣成且係之以銘銘曰

小折之村陟彼高丘富士不遠累累塚幽松林接影

木曾入眸西顧淡海東指參州爰問絕景猶記昔遊
藤縣岩存李白憇休蠻國服信以祠武侯矧又此境
神君停輶風拂旌旗日照戈矛耀榮一時流譽千
秋

書田犀小石碑陰

田犀字一角初名乘時號止丘子且依其名號或稱
避塵齋寬永丁丑三月生于洛陽六歲喪父十一歲
赴若狹國從其兄受讀四書小學等而與兄共事國
主羽林承應壬辰應羽林之命東來江城而學道于
余祖父羅浮子之門亾父弘文院學士恤其幼而孤

賞其才之秀親炙超群明曆丙申羽林辭職懸車閑
居牛籠日日侍讀不息學才亦長羽林捐館之後陪
嗣子匠作講說群籍寬文甲辰以母之老辭祿太若
州歸養于洛陽丁未之歲又來江城明年筮仕參議
水戶侯恩顧不謫溫飽有餘進則與同僚共豫國史
編輯之事退則與其兄事母孝養不怠水戶世子亦
加眷遇屢聞經史之談近歲臥病屢數醫不効今年
壬戌仲秋二十五日遂瞑年四十六嗚乎惜哉孤兒
不堪哀慕建小石碑請余記其履歷于碑陰其兄亦
請而弗措乃述其大概且以辭曰

已虜一角志同言隨風月之興雪花之期歐蕪投簡
元白遞詩已虜一角學習孜孜講經說史辨壯才奇
已虜一角此太何之阿兄失賴兒女訴悲竟何爲哉
竟何爲哉

賀璋小石碑誌

賀氏之子名璋字男載號十玉齊寬永壬午九月朔
且生于東武八歲喪父及十二歲師事我叻叔父讀
耕子其後親炙我父弘文院學士陪國史編輯之席
七年就勤學才超倫頗長著述二十五歲爲母奉檄
祿仕若狹國主從四品拾遺酒井公講經讀史劇務

累年徃來若州作向若錄且依國主之命著若州風
土記二十八歲娶安積氏女而生一男一女皆死今
茲夏四月在若州罹病五月二日俄然瞑矣其徒友
哀惜太切余聞其訃驚愕如失嗚呼汝孝養而何棄
其母乎嗚呼汝陰德而何絕其嗣乎嗚呼汝信愛而
何背其友乎夫生而不淑孰謂其壽死而不朽孰謂
之夭哀而不足惜而有餘唯期汝之志不泯也其弟
琅不堪哭泣建小石碑乃作其詞且係之以銘銘曰
富貴貧賤殊途殊境天壽強弱異質異性人逢其臧
子罹不幸茲命也耶茲命也耶

阿部播磨守碑誌

代阿部
豐後守

故執政忍城王從四位下播磨守阿部正能者修理
亮正澄子也母者肥後守加藤清正女也以寬永四
年丁卯八月七日生於武州曾祖伊豫守正勝徃來
參州遠州駿州尾州伏見大坂忠勤盡心戰功許多
其子備中守正次及左馬助忠吉共浴 洪恩正次
嫡子曰修理亮正澄先正次卒有子曰播磨守正能
也正次以次男對馬守重次爲家督也忠吉庄豐後
守忠秋忠忠厚篤實聲譽日彰預聞國政爲忍城
主領八萬石敘從四位下任侍從其後爲元老忠秋

無子承應元年壬辰養正能以爲其嗣也特賜一萬
石寬文十一年辛亥忠秋致仕正能襲其封領九萬
石延享元年癸丑十一月任執政敘從四位下同四
年丙辰十月依病免職閑居保養以謙來客稱養拙
叟嫡子豐後守正式續其屬籍列執政職自非積善
之所到則豈得傳世世之美哉貞享二年乙丑四月
十三日正能卒于麻布別墅歲五十九孝子正式不
堪哀慟記其履歷而敘小概於碑陰

鳳岡林先生全集卷之百十三

[Faint bleed-through text from the reverse side of the page]

鳳岡林先生全集卷之百十四

男朝散大夫國子祭酒林信充士儔父 輯

文部

碑誌

殤子筍京極氏墓誌

殤子筍者姓源氏京極以延寶七年五月廿六日生於伊賀國前從四品近江守高規之子也天性麗質温和慈愛起居有恭敬之志二歲而知數十文字及四五歲誦大學論語小學數十章其所嬉戲不出於筆硯之外必無雕蟲畫墁之業其所嗜愛不過於書

畫之間不好金玉光彩之具也能聽父之言能觀父之行僉言再興其家又大其門如何不淑貞享元年甲子八月廿八日罹病夭札於相州鎌倉年僅六歲嗚呼哀哉天不假其年早奪其生余聞之反袂收涕曰命哉命哉斯人而有斯疾靈苗不秀芳蘭易枯天乎天乎謂之何哉貞享二年乙丑八月二十八日整宇林驚直民誌

嗣子惠墓誌

嗣子惠童名吉松後改又三郎或稱春宗或稱玲瓏又號鷄峰寬文十年庚戌六月六日生于武州忍岡

其降性之歲偶當聖誕之辰脫胎之期正當日出之時舉家喜得嘉兆祖父學士文穆公作壽詞祝之外祖畠山休山叟從而祝之其年其月祖父編修本朝通鑑官增祿邑且賜俸文教育書生興起儒風皆謂祥兆有應也其稟質寬和恭謹疑忌不萌於心忿懣不見於容爲兒遊戲列邊豆學祭禮弄筆硯成騷會孝于父母友于弟妹常侍我側所言所行悉皆倣之事無巨細必勇所爲及七八歲誦書作詩祖父愛撫無倫己未之春十歲初預孔廟之祀禮容克夤十一歲喪祖父追慕不忘恭敬盡誠壬戌之秋十三歲初

登營奉拜 台顏同年韓客來朝邂逅數回卽席
贈曰或稱神童或比王勃貞享乙丑之春余賜別宅
出岡移居汝亦隨焉講經誦史學才日新十二月二
十一日嬰病不快二十三日發熱痘見二十五日余
拜 恩命加賜采地爲汝祝之期有奇驗二十七日
病愠增重語左右曰我病不起不幸命哉可造棺擲
拱手正氣高誦大學三綱領而謂余及慈母曰鞠育
之恩不能報之反使大人得永訣之悲不孝之甚無
言可盡也告別于祖母外舅弟妹而召二三門生戒
諭丁寧其後作詩曰纔住人間十六年呻痛詠言相

雜不能聞其全篇入夜煩悶急草欲移床正寢余曰
可待明日頗請不措於是屏女子呼門生侍其側時
又謂余曰僕以正終命然大人不聽非無遺憾余涕
泣不忍其善言易簣移座乃改其容曰我於大人無
憾前言過失請垂慈宥余曰何咎之有莫介于懷及
聞斯言曰僕心旣安雖死何悔矣更數醫無良効二
十八日之曉遂卒於正寢享年十六嗚呼汝之生也
榮福累重汝之死也家業衰弊前兆無益凶譴暴至
天乎命乎哀哉痛哉二十九日之夜悉用儒禮葬于
忍岡良隅貞享三年丙寅正月十九日哀父整宇林

直民哭泣濡血以述終天之餘哀而誌事實之小概
故執政中大夫古河城主日向權守源公碑
天欲興其家而大其門則必先降英斷剛武之人成
非常之事致非常之功猶以爲不足錫以福慶介以
眉壽猶以爲不足篤生孝子施及慈孫而後內助其
行實外發其英華是以克濟美於前不隕名於後垂
業悠久立基鞏固家道日興門業日大也汲黯之先
有寵於衛至黯十世爲卿大夫金張二家親近貴寵
比於外戚七葉珥貂楊震四世德業相繼爲東京名
族共爲大尉蕭瑀至邁名德相望八葉爲相路氏二

十三世世稱德門房氏功烈大著世号大尉家其餘
或三世相傳或父子相繼或兄弟相及立其身揚其
名者不爲不多皆能繼人之志善述人之事者也是
知一人之力猶能雖堪重任其後不能負荷則豈得
旌別門表而垂遐福于後昆哉草創之功守成之業
固難矣哉悉出天爲而非人謀之所及也故執政從
四位下古河城主日向權守源公信之者清和之流
新田之裔也與將家同其出自所謂藤井松平家也
系線歷歷功勳赫赫世皆知之入皆稱之高祖利長
初開其基遂起其家曾祖信一抱跨竈之才擅顯先

之美攻城略地勞心焦思忠孝兼全聲聞廣覃封祿
埤益門閤熾昌進階叙從四品保壽及七旬餘顯祖
信吉險阻艱難備嘗之忠勤戰功不知數也榮眷巨
多采邑有加顯考忠國或從行軍獲首級或導御
駕列先騎當太平之世荷無疆之恩增賜封祿鎮明
石城領七萬石其弟忠晴亦依庇蔭別與一家一門
世世之美莫耻於古人也公生於其家繩其武奉上
之勤不怠思孝之誠不止天性恭謹敦厚貞固剛直
坐作進退不失威儀聞人之善則欣欣然如已有之
聞人之惡則望望然如有不堪是故同僚依之親族

宗之承應二年癸巳季冬叙從五位下明曆二年丙
申增上寺法會代父勤警衛三年江城大火其後代
父榮建城內萬治二年己亥四月繼父之祿領明石
城六萬五千石使弟志摩守信重分知五千石延寶
三年乙卯東叡山法會戒禁寺門街路五年丁巳老
臣傳命使家臣監檢播州加西神東多可三郡改畫
溝塍分定界限七年己未六月應召登城辱拜恩言
加賜一萬五千石移封大和國郡山城歸城之後
後水尾帝崩葬儀法會之間勤戒嚴之儀天和元年
辛酉特蒙恩命換易本宅同年六月越後侯有罪

國除奉 嚴命賜御馬等赴越州高田城召彼臣僚傳教令示諭適宜衆皆恐伏明年壬戌拔於同僚爲御詰衆其後若有城內郭外火災則爲防禦之備三年癸亥之秋得暇歸城賜御馬耀行色貞享元年甲子當 東福門院七回忌辰法會之間監衛寺院二年乙丑正月爲御名代赴日光山同年六月十日榮選超群辱列老臣 恩命嚴重聲價增倍然身漸老病亦多恐喜交會不知所爲自此日日凌病登營委託身性勤勞事務旣而改郡山城移下總國古河城加增一萬石併舊領九萬石逮冬之季叙從四位下

且又或賜御筆畫圖或賜御筆恣一大字恩遇如此事業如此顧夫公之顯達亦是父祖舊勳之所致也父祖之世美亦是祖先功勞之所及也積善之慶不亦大乎丙寅之夏氣宇不快在家養病飲藥保畜不懈乃遣近臣出羽守柳澤氏賜物問病逐月逐日形肉漸脫氣力羸乏更醫不効七月二十二日易篋於本宅歲五十六翌日以麾下執事稻垣安藝守重定爲吊使賜賻銀二千兩無官無私無親無疎哀之惜之公取朝散大夫大和守小出吉英女有二男三女嫡男彦四郎忠之爲家督賜古河城領八萬石次男

二郎四郎信通分領一萬石長女嫁植村出羽守家
智季女與遠藤右衛門佐常信有嫁娶之約婚儀未
成而掩粧我家與公有宿交出入其門有年于此故
知公之德量威儀高出尋常也嗚呼天欲興公之家
大公之門是以祖先並鑣繼緒馳譽當時使公增封
秩居顯職非一朝一夕之故其所由來者漸矣天人
相與之理不深切著明乎若使公長得天壽久執國
政則前程不可測也痛哉惜哉然龍駒鳳雛同氣差
肩則天其又欲昌公之後者乎有所祝也有所期也
公嘗使我父弘文院學士林恕之道甫爲其祖先建

碑石而紀其功德且約曰如自己事業則使我追書
於其碑陰前言不忘今猶在耳也竊聞其遺言曰鸚
薦出類鴻恩潤身幸賜古河城然身未入其城目未
遊其境所憾在茲幽魂有靈或其徘徊翱翔於其地
乎若得葬柩輒于彼則生前之願至外既足 官家
之恩至外不忘令嗣從其志感其言建碑於古河請
詞於我縱雖薄識前諾惟重不能固辭若夫祖先履
歷則先人所作誌中具矣不費短毫乃爲公拭懷舊
之淚記事實之小繫係之以銘
銘曰古河之水瀟瀟兮公之所厲揭古河之雲茫茫

兮公之所怡悅公者衆人所瞻固是人中之傑祖先
貽謀孝子繼轍福履以綏祭祀不絕石其有朽名不
可滅

節婦清閑清水氏墓誌

松柳異質薺茶殊性故曰疾風知勁草嚴霜識貞木
豈唯草木而已哉人亦然也七子之母不安其室所
以凱風有怨也兩髦之髡實維我儀所以栢舟自誓
也正邪之志淑慝之行於是相分於是始著節婦清
閑者清水莊大夫豐勝女也母夏目氏明曆丙申八
月十日生于江府幼而喪母漸長喪父長井助十郎

政房以有姻好撫愛猶子寬文壬子十一月祖父清
水平左衛門恒豐養之爲女嫁我從弟晉軒林憲章
卿其性勤儉慈愛和樂好合延寶甲寅六月產一女
名曰巖娘丙辰十月誕一男未幾而夭時章卿久嬰
沈痼逐日危急十一月九日遂去歸泉養外族高麗
春澤次子名懲而配巖娘奉其家祀婦人自稱清閑
寡居守志素食累年斷其髮卑其服面絕粉黛身任
垢穢養鞠二子顧遇侍婢中饋紡績無不盡心丁巳
之夏提携二子移居忍岡每告余曰懲也幼而孤所
怙所宗唯公一人而已教之必嚴勿以其無父而厚

於慈也幸而得繼家業則章卿雖亡猶生之日所期
所待不過于此丙寅初秋起居不快更醫無驗彌月
歷年形肉萎脫今歲丁卯三月巖娘俄罹疫疾不日
掩粧清閑冒病哭泣深以爲憂自此飲食愈減精神
益衰四月二十五日遂瞑歲三十二嗟嗟清閑而至
然邪自古無不然獨何嗟焉然貞勁之操不變永矢
之志無他天何不福其善頰降凶變而在家喪其父
母旣嫁失其良人臨歿哭其愛娘不幸之甚何至如
是哉命哉痛哉縱其不發繁榮於前唯冀長貽行實
於後乃記履歷以爲碑誌云

侍醫官法眼高麗春澤墓誌

禍福相轉利害相生如循環而運丸耳其作不可見
其端不可覺然損於彼者盈於此成於此者虧於彼
天地古今之常也侍醫官高麗春澤字亦悅號近仁
齋洛人荒川宗竹第六子母朽木兵部女也寬永庚
辰十月八日生于京師自幼頗好文字承應甲午之
冬以與我家有姻好故東來就我祖而學其後依賴
我父學問不怠有立身與家之志我叔父我兄及余
感其志勵其業一旦卧病積聚塞胸眼精瞑眩氣倦
體疲素志空墜寬文辛丑之春歸洛養病禍害並至

可謂遇損之時也乃變其業潛心鴻術專務保養甲辰之夏老鑿法橋高麗永竹聞其為人請我父配其女以爲家嗣延寶戊午正月永竹沒受家料二百五十俵己未二月其妻亦罹病掩粧庚申之夏今大君統領闔國時直西城後侍御前及冬增賜百俵天和辛酉之夏賜宅城下明年壬戌之冬叙法眼位癸亥七月特降恩命恒獻御藥同年臘月加增采邑於常州眞壁郡青木村併舊料五百五十石恩選超群聲譽粗達幸遇其福得其利可謂損虧於彼盈成於此也貞享丁卯之夏氣宇不快煩悶吐血至得

小復近侍不怠其再發精神衰耗更醫不驗病間辱蒙恩顧恐汗感泣戊辰正月二十九日易簣於本宅歲四十九惜哉悼哉老母猶存不堪慟哭有四子長男追祖號稱永竹次男春益養於我從弟章卿繼其家三男稱源三郎四男稱源四郎我昔嘗修交騷壇吟風弄月方今出入營中日日相遇匪啻內好宿緣惟深聞訃不覺淚下嗣子永竹爲之立碑請記事實因述大槩貞享五年戊辰三月十九日侍講弘文院學士整字林直民誌

肥前唐津大久保氏碑陰

日中則昃月滿則虧推之於天地而後萬物之理昭
焉五行變化四時推移曠之於陰陽而後萬物之數
覩焉物類之間有理有數始而後終終而後始若環
之無端也執政相州小田原城主從四位下侍從兼
加賀守大久保忠朝生於世勲之家官祿兼備餘慶
傳家寬文壬子之夏爲祖先立碑於肥前唐津請我
考作之辭其後福履益加延寶戊午之夏又請我考
追書林檎於碑陰庚申之春加賜食祿壹萬石及秋
任侍從貞享丙寅之春改佐倉城移小田原城又增
壹萬石併舊領十萬三千石也長子隱岐守忠增亦

勤敷奏之事別賜壹萬石且管寺社之職務丁卯之
冬爲麾下副執事也顧夫自非祖先遺功勲之謀則
一門之美何以至於如此乎拾遺奉先之孝不已不
怠追慕之情無息無絕又請余記榮舉於碑陰乃按
其家系則高祖七郎右衛門忠世戰功無數勇名無
倫天正十八年庚寅辱遇 恩選爲小田原城主曾
祖相模守忠隣繼父之封聲譽蓋世慶長十九年甲
寅有故觸 霆怒避小田原城藝居江州一榮一悴
皆生于寅歲然家運未衰拾遺之父與復前烈至拾
遺彌高門楣丙寅之歲又賜小田原城時運之理自

然之數可謂天人妙應者也嘗聞德踰於祿則不溢
不虧拾遺能謹其言能顧其行事其上而竭忠致義
思其祖而立身揚名則申福於一家傳美於後昆永
久無疆也豈不期之哉豈不祝哉貞享萬年之五年
戊辰四月十九日

上林竹菴政重碑誌

知命者不立乎巖牆之下所以歿之重於太山者也
君子殺身成仁也所以生之輕於鴻毛者也歿生之
道大哉理之所有也義之所繫也水行不避蛟龍者
漁父之勇也陸行不避兕虎者獵夫之勇也白刃交


於前視歿若生者烈士之勇也可謂義理之間各知
所向者也上林氏越前政重幼名又市其先出自佐
佐木承禎生於丹波上林因以為姓其後居住山城
國宇治元龜二年辛未赴參州奉仕 東照大神君
賜土呂鄉內百石且授印章其後 神君領關八州
特有恩命又歸宇治出入侯伯之家覘察各家之風
樣時剃髮號竹菴慶長五年庚子之秋石田之黨起
兵西州諸侯多應之時 神君使鳥居元忠內藤家
長松平家忠松平近政等監守伏見城將卒來襲四
面環攻城兵奮戰防之深尾氏為敵內應放火松丸

城樓半燒敵兵爭進竹菴亦偶在城中告衆與多賀氏出城遇魁將金吾黃門秀秋秀秋曰衆皆出城則可全首領汝早歸告此言竹菴曰神君有命乎否不然則雖死不悔倉卒歸城告寡兵難敵元忠令竹菴曰汝未承防守之命偶來在此而已其勇志凜然可感可賞不如早免今日之難而待他日之榮竹菴辭謝之曰僕飽蒙神君之眷遇見義勇爲依恩捨命此其所期也何以避之哉乃勵衆兵手持酒盃獻酬巡飲共約必死甲冑之上自著茜巾騎馬把鎧追敵土橋從卒皆死竹菴獨回其騎依兼約與元忠同

歿于本丸鈴木氏取其首而梟之于京橋時八月朔日也年五十二字治僧請敵兵葬之平等院其子政信幼而在宇治聞伏見之變遁于高野山也關原大捷之後神君召政信感亡父之志兼知代官之事元和年中難波冬夏之役勤旅資之用而兼先導之事拜命之辱稱又兵衛賜增地領二百石代納壹萬石神君及台德公授印章爲後榮大猷公治世之日東來奉拜台顏特有懇命曰來歲可參江府追賞前志西歸之後及期東來於箱根落馬歸洛經年而歿其子政次亦稱又兵衛有子曰政矩曰定

政曰政富政次沒政矩繼不幾而死弟政富代之尋
 死定政者其兄也養於他家然以政富無子歸繼其
 家寬文五年乙巳十一月奉拜 嚴有公特賜舊領
 授印章而納五斗石貞享二年乙丑東來奉拜
 今大君且拜戴印章家傳如此今歲巳卯八月朔日
 正當竹菴一百年忌辰定政不堪感往懷舊之情建
 碑於平等院請余記其舊功嗚呼忠孝之心無貴賤
 一也竹菴不避其難者知理向義乎定政追遠奉先
 者復本顯名乎忠孝之名雖異其揆則一也有所難
 辭有所難默故記其大槩以貽孫謀也元祿十二年

巳卯八月朔且識



鳳岡林先生全集卷之百十四

原田全集

卷之四

十四

原田全集
卷之四
十四

